



Inatsisartunut ilaasortaq
Astrid Fleischer Rex, Demokraatit

14. september 2012
Suliap nr. 2012-072364
Dok.nr. 1013433

Nunani avannarlerni killerni persuttaasarnermut akiuniarnermi iliuusissatut pilersaarut pillugu § 37 nr. 195 naapertorlugu apeqquummut akissut

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: ikinn@nanoq.gl
www.nanoq.gl

Asasara Astrid Fleischer Rex

Qujanaq apequtinnut.

Akilerartarnermut Atugarissaanermullu Isumalioqatigiissitap isumaliutissiissutai Nunatsinni ineriartortitsinermik atugarissaanermillu politikikkut suliniuteqarnermi qitiusut Naalakkersuisut isumaqarput. Tamanna tunngavigalugu, Naalakkersuisut persuttaasarneq pillugu pilersaarusiornermi isumalioqatigiissitap isumaliutissiissutai aallaavigivaat. Piffissaq ungasinnerusoq isigalugu inuiaqatigiinnut tunngatillugu anguniakkat aamma anguniakkat ilaat piffissap ingerlanerani naammassiniagassat akornanni ataqatigiittoqarnissaanik anguniagaqarneq siunertaavoq.

Inuiaqatigiisugulli qanoq ineriartortinneqarnissatsinnut isumalioqatigiissitap isumaliutissiissutai tamakkiisumik najoqqutassatut Naalakkersuisunit isigineqanngillat. Kissaatigaarput inuiaqatigiit peqataatinneqarnissaat aamma kalaallit aalajangigaasa atorineqarnissaat. Taamaammat persuttaasarneq akiorniarlugu nunatsinnit inassuteqaatit arlallit katersorlugillu ilanngussuuppavut. Inassuteqaatit ilaatigut makkunanga pissarsiarineqarput, "Meeqqanut inuusuttunullu periusissiaq" (2011), PAARISA'p suliniutai "Persuttaasarneq kinguaassiuutitigullu innarliisarneq" (2010) kiisalu "Meeqqat ilaqutariillu atugarissaanissaat pillugit inassuteqaatit" (2009), soorlu aamma Nunatsinni isumasioqatigiinnernit, ataatsimeersuarnernit assigisaannillu inassuteqaatit ilanngunneqartut. Taakkua saniatigut nunat avannarliit nunallu tamalaat suliaqarfimmut atatillugu misilittagaannit isumassarsiorsimavugut ilisimasaqalerlutalu.

Nunani avannarlerni killerni arnat persuttarneqartarnerat akiorniarlugu iliuusissatut pilersaarut Naalakkersuisut ilisimangilaat. Tassunga atatillugu Ilaqutariinnermut, Kultureqarnermut, Ilageeqarnermut Naligiissitaanermullu Naalakkersuisoqarfiup Nunat Avannarliit Killiit Siunnersuisoqatigiivisa allattoqarfiat attaveqarfigaa, soorlu Inuusutissarsiornermut Suliffeqarnermullu Naalakkersuisoqarfik (2006/2007-imi naligiissitaanermut tunngatillugu akisussaasuusoq) aamma Nunamut namminermt,

Pinngortitamut Avatangiisinullu Naalackersuisoqarfik (eqqartuussisoqarnermut tunngatillugu suliaqarfik) naalackersuisoqarfiup attaveqarfigigai. Iliuusissatut pilersaarut pillugu attaveqarfiginninneq kinguneqanngilaq, taamaammat nunat avannarliit killiit iliuusissatut pilersaarutaat pillugu kaammattuuteqarneq piviusunngortinneqarsimangitsoq Naalackersuisut isumaqarput.

Naligiissitaaneq pillugu Nunat Avannarliit Killiit Ministeriisa Siunnersuisoqatigiivi sinnerlugit politikikkut sulianut tunngasunik naligiissitaaneq pillugu Ilulissani isumasioqatigiinnissaq 2010-mi Naalackersuisut suliniutigisimavaat. Isumasioqatigiinnermi nunani avannarlerni killerni arnanut persuttaasarneq immikkut ittumik sammineqarpoq. Ilisimasat periaatsillu iluaqutaasussat pitsaanerpaat isumasioqatigiinnermi inassutigineqartut persuttaasarneq akiorniarlugu Naalackersuisut periusissatut iliuusissatullu pilersaarutaannut ilanngunneqarput.

Inussiarnersumik inuulluaqqusillunga
Med venlig hilsen

Mimi Karlsen